

COFNODION CYFARFOD O GYNGOR CYMUNED LLANENGAN a gynhaliwyd nos Fercher, Chwefror 10fed, 2016 am saith o'r gloch

PRESENNOL

Robert M. Jones (Cadeirydd), John Gwilym Jones (Is-gadeirydd), John E. Griffiths, Wyn Griffiths, Gwilym Hughes, Alun Jones, Dylan Llwyd, Catherine Ll. Morris, Erfyl W. Roberts, O. Hefin Roberts, C yng.R.H. Wyn Williams (Cyngor Gwynedd)

YMDDIHEURIADAU

Thelma Cordingley, R. Phillip Roberts, William B. Williams

Croesawodd y Cadeirydd bawb i'r cyfarfod.

1. DATGAN BUDDIANT PERSONOL

Datganwyd buddiant yn y ddau gais cynllunio a ganlyn:

- C15/1257/39/LL – Adeiladu dau dŷ deulawr ar dir ger Cesail y Coed, Llanengan – Cynghorwyr Robert Morris Jones ac O. Hefin Roberts oherwydd fod yr ymgeisydd yn berthynas teuluol
- C15/1329/39/LL – Atgyweirio a throsi hen adeilad amaethyddol yn uned wyliau yn Murpoeth, Cilan – Cynghorwyr Wyn Griffiths a Catherine Llewelyn Morris oherwydd fod y blaenaf yn berthynas teuluol a'r olaf yn berchennog unedau gwyliau ei hun (ni adawodd y cyfarfod na chymryd rhan yn y drafodaeth).

2. CADARNHAU COFNODION

Cynigiwyd ac eiliwyd bod cofnodion y cyfarfod a gynhaliwyd ar Ionawr 13eg, 2016 yn gywir.

3. CEISIADAU CYNLLUNIO

Trafodwyd y ceisiadau a ganlyn:

C15/1162/39/LL Creu llwybr estyllog at lan Afon Soch a chodi llwyfan bysgota/hamddena – Coed yr Allt, Lôn Engan, Aber-soch –
Caniatawyd ag amodau eisoes – gweler 8. Dyfarniadau Cynllunio isod

C15/1241/39/LL Cais Ôl-weithredol – Cais i gadw llwyfan bren yng nghefn yr eiddo – Nyth y Frân, Aber-soch – **Cefnogir**

Cymerodd yr Is-gadeirydd y Gadair i drafod y cais isod oherwydd buddiant y Cadeirydd ynddo (gweler 1. Datgan Buddiant Personol uchod):

C15/1257/39/LL Cais Diwygiedig – Adeiladu dau dŷ deulawr – Tir ger Cesail y Coed, Llanengan – **Cefnogir a chedwir at y sylwadau a gyflwynwyd â'r cais gwreiddiol, sef y dylent fod yn dai**

	fforddiadwy/angen lleol ac nid ar y farchnad agored [Datgan Diddordeb – RMJ ac OHT]
C15/1260/39/LL	Cais Diwygiedig (Newid yn y disgrifiad a'r bwriad) – Estyniad unllawr ochr a chefn, codi uchder to'r prif dŷ i greu ystafelloedd yng ngwagle'r to, gosod ffenestri to, ynghyd ag addasiadau i'r edrychiad – Abbotsville, Yr Harbwr, Aber-soch – Cefnogir
C15/1305/39/LL	Adeiladu tŷ annedd ar safle modurdy dwbl presennol – Roslyn, Lôn Rhoslyn, Aber-soch – Cefnogir
C15/1329/39/LL	Atgyweirio a throsi hen adeilad amaethyddol yn uned wyliau, gan gynnwys estyniad bach i'r cefn a ffordd fynediad newydd – Murpoeth, Cilan – Cefnogir [Datgan Diddordeb – WG a CLLM]
C15/1349/39/RC	Diddymu Cytundeb 106 Angen Fforddiadwy – Ocean Crossing, Bwlchtocyn – Gwrthwynebir, oherwydd rhoddir cytundeb/amod am reswm
C15/1378/39/LL	Estyniad unllawr ochr â theras to uwchben – Pen y Bennar, Lôn Traeth, Aber-soch – Cefnogir
C16/0089/39/LL	Cais Diwygiedig – Dymchwel porth car presennol a chodi estyniad to brig yn ei le, codi dwy ffenestr gromen blaen ac estyniad unllawr cefn – 6 Maes Awel, Aber-soch – Gwrthwynebir, oherwydd ei fod yn orddatblygiad mewn congl gyfyng ar stád dai
C16/0090/39/LL	Adnewyddu cais i godi uchder to'r tŷ a gosod dwy ffenestr gromen a ffenestr to – Woodlands, Lôn Gwydryn, Aber-soch – Cefnogir

4. **MATERION YN CODI**

- a) **Toiledau Cyhoeddus – Tyddyn Callod, Aber-soch**
 - Llwyddwyd cysylltu â Gwyn Parry ac mae'n fodlon cloi'r giât ond, mae angen gorriad sbâr i sicrhau nad oes neb yn y toiledau cyn eu cloi.
 - Derbyniwyd llythyr oddi wrth npower yn cadarnhau y trosglwyddir cyflenwad trydan y toiledau ar Chwefror 18fed. Dychwelir y ffurflen Datganiad TAW ar ôl gwirio mai 5% a dala'r Cyngor.
- b) **Gwefan y Cyngor**
Ni lwyddwyd anfon mwy o ddogfennaeth oherwydd trafferthion rhyngwyd y Clerc – fe'u hanfonir ar ddisg oni ddatrysir hwy'n fuan.
- c) **Glanhau Afon Soch**
Ni dderbyniwyd unrhyw ohebiaeth.
- ch) **Cheshire Lamont – Gwesty'r Harbwr/'Harbour Mews Development'/Llwybr Estyllog at lan Afon Soch**
Derbyniwyd caniatâd cynllunio a deallir nad oes gwrthwynebiad gan Gyfoeth Naturiol Cymru ychwaith; dychwelwyd y siec o £50.00 ar gyfer y Cais Caniatâd Amddiffyn Rhag Llifogydd, gan y'i cyhoeddi dan Is-ddeddfau – dim angen tâl. Cyn dechrau'r gwaith, penderfynodd y contractwr ofyn am farn syrfewr, h.y. os yw'r tir ddigon caled i dderbyn yr adeiladwaith – gwell

gwneud cyn ei osod na darganfod wedyn. Ni fu'r tywydd gwlyb o gymorth ychwaith. Gofynnwyd i Datrys archwilio'r safle ac mae peth oedi oherwydd hyn – cyfarfu'r Clerc, y contractwr a swyddog o'r cwmni i drafod y mater; bydd hyn yn gost ychwanegol. O ganlyniad, gofynnwyd i AHNE Llŷn a fyddai modd ymestyn y dyddiad cwblhau am tua tair wythnos arall, ond ni dderbyniwyd ymateb hyd yma.

d) **Gohebiaeth aii) Un Llais Cymru (ULIC)**

Ni dderbyniwyd ymateb i'r llythyr a anfonwyd ar Fedi 15fed, 2015 – ysgrifennir i fynegi anfodlonrwydd.

dd) **Cyfreithwyr Gamlins – Cae Chwarae Aber-soch**

Derbyniwyd copi o ohebiaeth a anfonwyd at y Gofrestrfa Tir a pherchennog 23 Maes Awel, Aber-soch.

e) **Wicksteed Playgrounds – Arolwg Diogelwch Blynyddol**

Derbyniwyd adroddiad yr arolygwr ac anfoneb (gweler 9. Cadarnhau Taliadau a Derbyniadau isod). Cyfarfu'r Clerc â'r Arolygwr i drafod sut i osod siaced newydd y beic modur. Tynnodd sylw at yr isod:

Cae Chwarae Mynytho

- tyfiant gwellt/chwyn rhwng ymylon y teiliau du
- angen naddu pennau sgriwiau ar y ffens

Cae Chwarae Aber-soch

- deil ei bryder am yr offer sglefrfyrdio, sef diffyg cefn rhag atal codwm oddi arnynt ond, mynna'r cwmni cyflenwi (Record Ltd.) eu bod yn ddiogel; mae angen glanhau'r rhwd ac ailbaentio'r panelau; angen mynd â pheipen rhydd a ddaeth rhywun i'r safle oddi yno, gan nad yw'n cydymffurfio â gofynion diogelwch
- siglenni – rhwd, paentio ac adfer y *shackles* – angen cysylltu â G.L. Jones
- arwyddion – angen sgriwiau i'w hailosod.

Cytunodd y Cadeirydd ac EWR ddod i gynorthwyo'r Clerc osod rhai o'r darnau ar yr offer a dderbyniwyd eisoes – angen dau bâr o ddwylo.

f) **Cefnogaeth Gorfforol – Her Gwynedd**

Ni dderbyniwyd gohebiaeth bellach oddi wrth Anwen Davies, Rheolwr Cyswllt Mentrau Cymdeithasol, ond deallwyd y trefnir cyfarfod i gynghorau cymuned/tref yn y dyfodol agos.

ff) **Cyng. Wyn Williams – Is-ddeddf Masnachu ar y Stryd**

Ni dderbyniwyd unrhyw ohebiaeth bellach.

g) **7. Gohebiaeth a) Un Llais Cymru (ULIC) – i) *Ymgynghoriad Bil Llywodraeth Leol (Cymru) Drafft***

Ni fynychodd y Clerc y cyfarfod a gynhaliwyd yn Venue Cymru, Llandudno, ond derbyniwyd cwestiynau a nodiadau oddi wrth ULIC; angen sylwadau erbyn Chwefror 15fed.

- ng) **7. Gohebiaeth Economi a Chymuned – Gwasanaeth Morwrol a Pharciau Gwledig – Gwobrau Traeth 2016**
Sicrhaodd Barry Davies, Swyddog Morwrol a Pharciau Gwledig, y dyfernir y Faner Las i Borth Fawr a Gwobr Arfordir Glas i Borth Neigwl. Penderfynwyd talu am gost y ceisiadau a phrynu'r baneri. Crybwyllodd, hefyd, yr argymhellir dan Her Gwynedd, na fydd rheolaeth traethau i'r rhai sydd heb Faner Las/Werdd – buasai Marchros yn un o'r rheiny gan nad yw'r pwynt samplu dŵr ddigon agos.

5. MATERION PRIFFYRDD

- a) **Biniau Halen**
Trafodwyd y rhain unwaith eto a phenderfynwyd gofyn a throsglwyddir hwy'n llawn i'r cynghorau cymuned/tref cyn ymateb; ni dderbyniwyd ateb cyn cyfarfod heno.
- b) **Rhaglen Waith mis Chwefror**
➤ Cilffordd 38 (Lôn Golff, Aber-soch) – cwblhawyd rhan gyntaf y gwaith ac ailagorir hi am ychydig cyn cael ei chau ddydd Llun, Chwefror 15fed am ddiwrnod neu ddau i'w hailwynebu
➤ Llwybr 69 (Stád Sant Tudwal, Mynytho) – ei ailagor
➤ Nanrhiwdar, Nanhoron – gwaith traenio.
- c) **Cwynion**
Adroddwyd fod:
➤ angen glanhau Pont Newydd, Llangian
➤ y dylid ysgrifennu i ofyn pam adeiladwyd gwter newydd ar ochr y ffordd, ble nad oes dŵr yn rhedeg/llifo, ger Bryn Golau, Mynytho – mynegwyd ei fod yn wastraff arian llwyr, yn arbennig y goleuadau traffig a fu ar y safle am bron i wythnos gyfan, ynghyd â gofyn pwy wnaeth y cais a pham bod ei hangen
➤ tair lamp stryd yn Sarn Bach wedi torri – ger yr ysgol, ar y groesffordd a ger Pant Gwyn Bach.
- ch) **Dŵr Cymru – Dŵr a Charthffosiaeth yn dod o 'fanol' ger Bryncelyn Uchaf, Cilan**
Derbyniwyd ateb oddi wrth Kate Smith, Swyddog Gofal Cwsmer, yn nodi, yn dilyn ymweliad gan un o'r Technegwyr Rhwydwaith, mai mater i'r Adran Priffyrdd sy'n gyfrifol am glawr y manol ac nad oedd yn un o asedau Dŵr Cymru. Penderfynwyd ateb drwy ddweud fod carthffosiaeth yn byrlymu ohono ac un ger Tan y Bryn, Sarn Bach, hefyd, gan gywiro mai ger Bryncelyn Isaf yn hytrach nag Uchaf mae'r broblem.
- d) **Huw Prydderch Davies, Swyddog Bwrdeistrefol Dwyfor – Arwydd Stryd Ystád Sant Tudwal, Mynytho**
Derbyniodd gais oddi wrth un o drigolion yr uchod am arwyddion stryd newydd i'r ffordd fel osodwyd ar Stádau Mur Poeth a Phen y Bryn yn ddiweddar, ond, mae rhai yno'n barod a chyn ateb hoffai dderbyn barn y Cyngor. Atebwyd drwy ddweud yr hoffid gweld yr enw Cymraeg yno ond, deallwyd, ar ôl blits Mynytho ychydig flynyddoedd yn ôl, y buasai'n rhaid

cysylltu â'r Post Brenhinol i wneud hynny a chael cydsyniad y preswylwyr. Atebodd HPD y gallai osod arwyddion dwyieithog pe bai arian yn weddill yn y gyllideb – derbyniwyd hynny.

6. MATERION HAWLIAU TRAMWY – LLWYBRAU CYHOEDDUS

Ni lwyddwyd cysylltu â Dewi Wyn Owen, Uwch Swyddog Hawliau Tramwy, i ofyn am ei sylwadau ar yr isod, ond rhestrir yr ailagorir a) Llwybr 69 ar Raglen Waith Trafnidiaeth a Phrifyrdd mis Chwefror yn ystod y mis:

- a) **Llwybr 69 Bryn Ffynnon, Stad Sant Tudwal, Mynytho**
- b) **Taith Gerdded Ddigidol**
- c) **Shanty, Pen Bennar**
- ch) **Llwybr 18 – Mynydd Cilan i Garreg Lwyd**
- d) **Ffens ger Isfryn, Mynytho**
- dd) **Torri'r Llwybrau**
- e) **Un Llais Cymru (ULIC) – i) Ramblers Cymru – Ydych chi eisiau gwarchod a gwella'r manau lle mae pobl yn cerdded yn eich ardal chi?**
- f) **Llwybr yr Arfordir – Grisïau Porth Ceiriad, Nant/Carreg Haul**
Adroddwyd y bu tirlithriad ger y grisïau ac y gallai'r tir roi ger yr ail – erydwyd oddi tano; hysbysir yr Adran.
- ff) **Llwybr Cyhoeddus Rhif 40 – Penbenar, Aber-soch**
Derbyniwyd copi diddorol o adroddiad o gyd-gyfarfod rhwng cynrychiolwyr y Cyngor a dirprwyaeth o Is-bwyllgor Cynllunio Cyngor Gwynedd a gynhaliwyd ar Ragfyr yr ail, 1983 parthed yr uchod. Yr argymhelliad oedd cefnogi datganiad y Cyngor hwn fod y llwybr fel ag yr oedd ar y pryd yn annerbyniol a phwyso am iddo gael ei adfer i'w gwrs a'i gyflwr gwreiddiol...

7. GOHEBIAETH

- a) **Un Llais Cymru (ULIC)**
 - i) **Hyfforddiant mis Chwefror**
Rhestr, er gwybodaeth, o'r cyrsïau a gynhelir yn ystod y mis.
 - ii) **Aelodaeth 2016 – 2017**
Anfoneb am £479.00 yn seiliedig ar 1689 o anheddau trehadwy yn ôl .284c yr annedd o'r Rhestr Brisio yn hytrach na'r Gofrestr Etholiadol; penderfynwyd ailymaelodi yn dilyn trafodaeth a yw o fudd i'r Cyngor ai peidio.
- b) **Llywodraeth Cymru**
 - i) **Swm Priodol dan Adran 137(4)(a) Deddf Llywodraeth Leol 1972 – Gwariant Adran 137: Y terfyn ar gyfer 2016 – 2017**
Llythyr yn hysbysu mai'r uchafswm y gellid ei wario ar gyfer y flwyddyn ariannol nesaf fydd £7.42 am bob etholwr.
 - ii) **Cymru Effeithlon – Cyngor a Gwybodaeth am Ynni, Gwastraff a Dŵr**
Taflen, er gwybodaeth.
- c) **Cyngor Gwynedd**
 - i) **Asesiad Digonolrwydd Chwarae**

Holiadur er mwyn adnabod yr holl ddarpariaeth chwarae a fodola ar draws y Sir – fe'i dychwelwyd eisoes.

ii) ***Y Pwyllgor Safonau***

Copi, er gwybodaeth, o adroddiad blynyddol 2014 – 2015 a hysbyseb am aelod annibynnol o'r Pwyllgor.

ch) **Cyfoeth Naturiol Cymru – Ymgynghoriad ar Ardaloedd Cadwraeth Arbennig Arfaethedig ar gyfer Llamhidyddion yr Harbwr ac Ardaloedd Gwarchodaeth Arbennig Arfaethedig Newydd ac Estynedig ar gyfer Adar y Môr**

Angen sylwadau erbyn mis Ebrill.

d) **G.D. Roberts a'i Fab, Ymgwymerwyr**

Rhestr brisiau newydd i'w mabwysiadu o Fawrth 1af, 2016 – fe'u derbyniwyd.

8. DYFARNIADAU CYNLLUNIO

- C15/1050/39/LL Adeiladu estyniad deulawr ochr, ymestyn balconi, creu ffenestr gromen ac un ffenestr arall – 49 Cae Du, Aber-soch –
Caniatawyd ag amodau
- C15/1093/39/LL Addasu modurdy yn ystafell aml bwrpas a gosod balconi uwchben – Encil y Môr, 3 Maes Awel, Aber-soch –
Caniatawyd ag amodau
- C15/1162/39/LL Creu llwybr estyllog at lan Afon Soch a chodi llwyfan bysgota/hamddena – Coed yr Allt, Lôn Engan, Aber-soch –
Caniatawyd ag amodau
- C15/1171/39/LL Newid defnydd ac addasiadau i ran o siediau storio presennol er creu caffi tymhorol (Mawrth 1af i Hydref 31ain), codi sied storio ar gyfer sgis jet, gosod canllaw ar ben rhan o'r wal amddiffyn o'r môr presennol a gosod pwtres goncrid ar gornel y llithrfa – Mickey's Boatyard, Machroes, Bwlchtocyn –
Caniatawyd ag amodau
- C15/1180/39/LL Dymchwel cwt glan môr presennol a chodi un newydd yn ei le a llwyfan cysylltiedig – Cwt Glan Môr 34, Borth Fawr, Aber-soch – **Caniatawyd ag amodau**
- C15/1222/39/CC Torri coeden – Tir gyferbyn â Land & Sea, Aber-soch –
Caniatawyd ag amodau
- C15/1295/39/TR Ailadeiladu llinell drydan uwchddaearyl â dargludyddion ychwanegol – Aber-soch – Caereglwys, Aber-soch –
Caniatawyd ag amodau
- C15/1297/39/DA Datblygiad ansylweddol i ychwanegu dwy ffenestr yn nrychiad dwyreiniol y pod, dileu ffenestr to velux o'i edrychiad deheuol a chodi ei godiad i 35° er gosod teils clai arno – Rose Lea, Aber-soch – **Caniatawyd yn ddiamodol**
- C15/1342/39/DA Diwygiad ansylweddol i newid siâp to'r lolfa haul arfaethedig – Parc y Delyn, 6 Ystâd Sant Tudwal, Mynytho – **Caniatawyd yn ddi-amodol**
- C15/1345/39/CC Gwaith tocio coeden – Ysgol Gynradd Aber-soch, Lôn Gwydryn, Aber-soch – **Caniatawyd ag amodau**

9. **CADARNHAU TALIADAU A DERBYNIADAU**

Taliadau

Cadarnhawyd talu cyflog mis Chwefror y Clerc ac ad-daliad goriad ychwanegol i'r toiledau (£2.95 – Rh/S 001966), ynghyd â'r taliadau a ganlyn:

- a) Cyngor Gwynedd – £461.72 (Rh/S 001963 – Gwagio Biniâu'r Caeau Chwarae a Glanhau Toiledau Lôn Traeth)
- b) Cyngor Gwynedd – £100.76 (Rh/S 001964 – Gwagio Biniâu Baw Cŵn)
- c) Wicksteed Leisure Ltd. – £108.00 (Rh/S 001965 – Arolwg Diogelwch y Caeau Chwarae)
- ch) Un Llais Cymru – £479.00 (Rh/S 001967 – Tâl Aelodaeth 2016 – 2017)
- d) Clorian Cymru – £62.28 (Rh/S 001968 – Darnau i gyfrifiadur y Teledu Cylch Cyfyng)

Derbyniadau

- a) Arian Mynediad y Toiledau – £8.90
- b) ScottishPower – £2.38 (Wayleave Cae Chwarae Aber-soch)

10. **DYDDIAD AC AMSER Y CYFARFOD NESAF**

Nos Fercher, Mawrth 9fed, 2016 am saith o'r gloch